

游洪崖記

徐世溥

由江三十里抵洪崖兩崖石數十尋皆金色時有白繡紛若疊菊相望四五丈勢常欲合無土有草剝落成文直上高五六里西山之水飛鳴而下時從石壁橫灑飄忽若疾風吹雨莫不斜飛前有巨石當之若壅水稍滙之上瀑奔流至此則復衝激上山左右噴薄洗石壁逆流同下矣左右有鐘磬兩石巨若輪橫無所倚若水東奔激之則翁然作鐘聲若倚瀉西擊則鏗然若磬至春夏水瀾不復見但聞水中鐘磬聲也石壁上有鏤文歲久苔填不可見蓋神仙跡云昔洪崖仙人常居此故因以名地洪崖之時無書是豈洪崖跡耶下石爲渚時濺時流遇石翔鳴

道藏輯要

天下名山記  
江西洪崖徐

望

軫集三  
118x

遇沙明綺九十七曲入於河